

PƆLU KALATA'N M'Ɔ LILI MUA HELELI NWANLIN TESALONINKI ASƆNUN MMA'N-MƆ'N

M'Ɔ wƆ nun'n

Anun, Tesaloninki ti Masedvanun mân nun anun elɔ kulo kpili'n kɔn. Silivɔn mɔ be fele yɔ biekun Silasi'n, nun Timote yê be bukalɔ Pɔlv maan ɔ bɔli elɔ asɔnun nun ɔ. Nan kemɔ Zufu'n-mɔ totua yɔ atɔn'n, Pɔlv a nje man Tesaloninki ebɛle (Junman 17). Ɔ kpatili ɔ fi Masedvanun mân nun anun ɔ hɔli Akayi mân nun anun. Nan m'ɔ fi Masedvanun mân nun anun hɔli'n, ɔ sɔvanlin Timote Tesaloninki elɔ ke ɔ hó nɔan asɔnun mma'n-mɔ abɔsɔ se be yacili man bé dedi'n be tɔli man wɔ ahɔlvwa'n mɔ be le kele bé nun anwɔn an. Mɔ Timote hɔli walɔ m'ɔ bɔli amannɛ fe heleli Pɔlv'n, yɔ lɔa cɔcɔli nán ɔ'a hele kalata ehi ɔ'a nwan bé. Kalata nun anun, ɔ'a nwun Nyanmɔan anwɔn ye, ese ɔ'a wowula bé anwɔnsele ke be tɔla bé dedi nun anun be hó bé nyunnun.

Kalata nun ati 1-3, Pɔlv le kacɔ ke ɔ kpɔnlin lili junman'n bé afian elɔ'n. Yê ɔ di fe ke sunnzun mɔ be le nwun yale, be le bé dedi nun anun kpolo. Ɔ kulo ke ɔ nwun bé nwɔn biekun. Kalata nun ati 4.1-12, Pɔlv le kacɔ bé ngehele'n m'ɔ heleli bé wɔ enanndɛ kpa nun anwɔn'n cɔnnjin, be síe bé nwɔn ye wɔ ajɔamannɔn ngacile kwalaa anwɔn. Kalata nun ati (4.13-5.11), Pɔlv le kan yê Mɔn Zozi Kilisi ewale'n mɔ ɔ 'sa ba nun ejɔle. Kalata nun agualɛ nun, Pɔlv le tu bé fɔɔ ese ɔ le yeyila bé.

Ahɔn ebisa

¹ Mɔn Pɔlɔ, mɔn nɔn Silivɔn nɔn Timote yê ye le kele kalata ehi ye nwan emɔ Tesaloninki asɔnɔn mma'n-mɔ ɔ. Emɔ mɔ be nɔn yê Si Nyanmɔian nɔn yê Mɔn Zozi Kilisi a yɔ kɔn'n, ye 'bisa emɔ ahɔn.

Nyanmɔian nɔwɔn emɔ anwɔn anwunnvoe, ese ɔ cici emɔ alba.

Asɔna

² Ye da Nyanmɔian asɔ cɔan daa wɔ emɔ dunman nɔn, ese ye sele Nyanmɔian Kpili cɔan daa ye man emɔ.

³ Nyanmɔian m'ɔ ti yê Si nɔn anyunnun, tɛmɔn biala yê ti kacɔ emɔ nyɔlɛ'n m'ɔ kele ke emɔ le dedi, emɔ kulo bé nɔwɔn, ese yê Mɔn Zozi Kilisi ewale cɔan nɔn anwɔn anyɔndasɔe mɔ emɔ le yí'n, ɔ ti man nzemɔnde.

⁴ Anianman-mɔ, ye sɔ ke Nyanmɔian a hulo emɔ, ɔ'a nɔan menian'n-mɔ anɔn ɔ'a kpa emɔ maan b'a yɔ yí die.

⁵ ɔ sanlɔn ke nán yê nɔan mgban nɔn ala yê ye falɔ ye bɔli Ejɔlekpa'n ye heleli emɔ ɔ. Nan Wawe Nwannzan-nwannzan'n jinlanlɔn yê nzin maan ye bɔli yí tunmin sɔ kɔsɔ ye heleli emɔ. ɔ manlɔn emɔ nwunlin yí fɔ́ɔn kɔsɔ kpa ke Ejɔlekpa sɔ'n ti ananhɔle. Ke ɔ kɔ yɔ nán emɔ a kpasɔ'n, emɔ nwunlin ke ye kpɔnɔn ye nɔn emɔ tanlanlɔn'n.

⁶ Emɔ a nɔan yê nɔn yê Mɔn asɔtanlan sɔ nɔn asɔ. Ehɔka ati yê be heleli emɔ ahɔlɔwa kpa tɛmɔn mɔ emɔ leli Nyanmɔian Anɔan Ejɔle'n be lili nɔn ɔ. Nan kɔsɔ Wawe Nwannzan-nwannzan nɔn a man emɔ le fe elie.

⁷ ɔ man Masedɔbanɔn nɔn Akayi mán nɔn anɔn, se be 'kan bé kwalaa mɔ b'a le Zozi Kilisi b'a li nɔn ejɔle a, be bɔ emɔ dunman.

⁸ Ɔ sanlɪn kɛ Nyanmɪan Anvɔan Ejɔlɛ'n tɛtɛlɪ ɛmɔ Masedvɔanɪn mɔn nɪn anun ɔ nɔn Akayi mɔn nɪn anun. Ɔ'a nga man ɛbɛɛ ala, nan mɔn'n lɪka kvɔalaatin, bɛ bɔ dedi'n mɔ ɛmɔ le yɪ wɔ Nyanmɪan anun nɪn anwɔn ejɔɛ. Yɪ ti, yɛ muonun yɛ ngan man ɛmɔ dedi nɪn anwɔn ejɔɛ kɔn.

⁹ Kɛ ɛmɔ kpɪnlɪn sɔlɪ yɛ nɔn mɛɛ mɔ yɛ hɔlɪ ɛmɔ ɛɔ, ɔ nɔn kɛ ɛmɔ kpɪnlɪn yɔlɪ bɛ yacilɪ amvɔan'n-mɔ bɛ gualɪ bɛ falɪ bɛ nwɔn bɛ manlɪn Tɪasɪfɔɛ Nyanmɪan'n m'ɔ tɪ ananhɔɛ'n nɔn b'a sɔ yɪ'n, menian'n-mɔ kvɔalaa kan yɪ nwɔn ejɔɛ.

¹⁰ Ɛsɛ bɛ kan kɛ ɛmɔ le nwɔnndɛ kɛ Nyanmɪan Awa Zozi m'ɔ man ɔ fi ewue nɔn ɔ'a tɪnnge'n, ɔ fi nyanmɪansɔ ɔ bɔla. Afi, yɪ deɪn yɛ ɔ de yɛ ti nɔn Nyanmɪan sɪkpɛ'n m'ɔ le ba nɪn a ngun man yɛ ɔ.

2

Pɔlv nɔn yɪ manngvɔn'n-mɔ junman'n

¹ Anianman-mɔ, ɛmɔ muonun sɪ kɛ, ɛmɔ anwɔn ɛɔ ɛwalɛ mɔ yɛ walɪ'n, ɔ'a nyɔ man mgban. Afi, yɛ Mɪn junman'n mɔ yɛ walɪ lɪlɪ yɪ ɛmɔ afɪan ɛɔ nɪn a sɔ mma kpa.

² Ɛmɔ sɪ kɛ bɛ helelɪ yɛ ahɔlvwa Filipɔ kulo nɪn asɔ ɛɔ kvɔalaaka nɔn y'a ju Tesaloninki. Mɔ yɛ juli ɛmɔ anwɔn ɛɔ'n, menian'n-mɔ jɪjɪlɪ yɛ sɛɛ kpa, nan kɔsɔ Nyanmɪan Kpɪlɪ manlɪn yɛ anwɔnsɛɛ maan yɛ bɔlɪ Ejɔɛkpa'n yɛ helelɪ ɛmɔ.

³ Ɔ man Ejɔɛkpa sɔ'n mɔ yɛ bɔ yɛ keɛ menian'n-mɔ'n, ɔ tɪ man ato ejɔɛ, yɛ mmɔ yɛ mgbɔnndɛ man esɪka, ɛsɛ yɛ mmɔ yɛ nnaka sɔanlan fɪɪ.

⁴ Nan yɛ kan ejɔɛ'n kɛ Nyanmɪan Kpɪlɪ muonun kulo kɛ yɛ kan yɪ'n. Ɔ sanlɪn kɛ ɔ'a nwun yɛ ti anun,

ɔ'a bu yé ɔ'a fa yí Ejòlekpa'n ɔ'a wula yé sa nun. Yí sò ati, ye ngan man mɔ ye kan an, menian'n-mɔ akunnun jɔ yí nwɔn'n, nan mɔ Nyanmian Kpili akunnun jɔ yí nwɔn'n yê ye kan ɔ.

⁵ Emɔ muonun si ke ye lakali man emɔ lé, ese yé nyin bɔbɔli man emɔ anwɔndi'e'n-mɔ lé. Nyanmian muonun di yí nwɔn adanzi'e.

⁶ Cian bie lé, y'a mgbɔnnɔde man ke emɔ anaan ehunlun-mɔ fɔa yé.

⁷ Kemɔ ye ti Kilisi mmɔfɔe'n, ye kɔala ye kele emɔ yé tunmin'n mɔ ye le yí'n, nan yé di'e, y'a nyɔ man yí sɔ. Mɔ anin ye wɔ emɔ anwɔn elɔ'n, ye bebeleli yé nwɔn asɔ ye manlun emɔ. Ye yɔli ke eta m'ɔ le nian yí mma ɔ.

⁸ Ehulo kpili'n mɔ ye kulo emɔ nun ati, nán Ejòlekpa nun angɔnmun ala yê ahan ye 'bɔ ye kele emɔ ɔ, nan ese ahan ye 'fa yé muonun yé nguan'n ye man emɔ. Ɔ sanlun ke emɔ anwɔn hianlun yé sɔnman.

⁹ Anianman-mɔ, emɔ si yí fɔ́ún ke mɛle mɔ anin ye le bɔ Nyanmian Ejòlekpa'n ye kele emɔ'n, ye lili junman sele kpa kɔngɔe nun eyua, ye nwunlin yale nun efe, ye nyanlun esika ye sieli yé nwɔn. Ɔ man emɔ anun bie fíí a mma man yé nwɔn kale.

¹⁰ Emɔ nun Nyanmian di yé nwɔn adanzi'e ke ye bɔli abalabɔ mɔ yí nwɔn ti, m'ɔ ti fɔ́ún, mɔ be nnyan man yí nwɔn ejɔle ete fíí be ngan man wɔ emɔ mɔ be de Zozi be di nun afian.

¹¹ Emɔ si ke ye nun emɔ anun kɔn biala tanlanlun ke si'e nun yí mma.

¹² Ye wowulali emɔ anwɔnsele, ye ci'cili emɔ alba ese ye tuli emɔ fɔɔ ke emɔ bó bala kpa m'ɔ sɔ Nyanmian Kpili anyin. Afi, yí muonun yê ɔ'a

fɛɛ ɛmɔ kɛ ɛmɔ bála bɛ káci yí anunminnyanmɔn belemgbin mân nɔn anun menian ɔ.

¹³ Eɥika ati, yɛ da Nyanmian asɩ cian biala. Ɔ sanlin kɛ mɛɛ mɔ yɛ hanlin Nyanmian Anvan Ejɔɛ'n yɛ heleli ɛmɔ'n, ɛmɔ a nne man ejɔɛ sɔ'n b'a ndɔ man nun kɛ kulo sɔanlan ejɔɛ, nan ɛmɔ sɔli nun kɛ ɔ ti Nyanmian Anvan Ejɔɛ sakpa. Ɔ man ɛmɔ mɔ bɛ de bɛ di'n, Ejɔɛkpa sɔ'n lɛ di junman sɛɛ wɔ ɛmɔ asitanlan nɔn anun.

¹⁴ Anianman-mɔ, Nyanmian menian'n-mɔ mɔ bɛ wɔ Zude mân nɔn anun ɛɔ mɔ bɛ nɔn Zozi Kilisi a yɔ kɔn'n, ɛmɔ a kaci kɛ bɛ ala. Yalɛ mɔ Zufu'n-mɔ heleli bɛ'n, yí kɔnmgba nɔn ala yê menian mɔ bɛ nɔn ɛmɔ ti nɔn a hele ɛmɔ nɔn ɔ.

¹⁵ Zufu sɔ'n-mɔ mɔ bɛ hunlin yé Mɩn Zozi nɔn Nyanmian mgbɔmanfɔɛ'n-mɔ'n, bɛ yê bɛ heleli yé yalɛ nɔn ɔ. Bɛ nzɔ man Nyanmian anyɩn, ɛsɛ bɛ kpɔ menian'n-mɔ kɔvalaatin!

¹⁶ Bɛ kulo kɛ bɛ tan yé nyɩnsɔ, yí dɩɛ anɩn yɛ ngan man ejɔɛ'n yɛ ngele man bɛ mɔ bɛ ti man Zufu'n nán b'a nyan bɛ ti. Bɛ nyɔɩɛ sɔ'n, ɔ man bɛ ɛtɛ nɔn a sɔn. B'a yɔ dede b'a man Nyanmian sɩkpɛ nɔn a hyɩ bɛ.

Pɔɔɔ alba lɛ dɔ Tesaloninki asɔnɩn mma'n-mɔ

¹⁷ Yé dɩɛ, anianman-mɔ, kɛ yɛ titɩli yé nɔwɔn nun kaan'n, yɛ nɔwunlin man ɛmɔ anwɔn, nan kɔsɔ yé ti wɔ ɛmɔ sɔ dahuu. Yé lɔa lɛ dɔ ɛmɔ kpa, yɛ kulo kɛ yɛ nɔwun ɛmɔ anwɔn.

¹⁸ Eɥika ati, yé nwan ahan yɛ 'ba ɛmɔ anwɔn ɛɔ. Nan mín bɔbɔ mín Pɔɔɔ, m mɔbɔalɩ mín nɔwɔn kɔn, yí nzin bieku, mín nwan mɩn 'ba, nan *Satan a man y'a nnyan man atɩn.

¹⁹ Mɛɛ mɔ yé Mɩn Zozi 'ba a, mɔ yɛ 'ba fite yí nyunnun'n, nzu like dɩɛ anwɔn yê ɔ 'nɩan fɔa yé ɔ?

Yé fε elie like'n y'ɔ le benin? Nzuke yê ɔ kele ke ye lili kunnunmun mɔ ye kwalala ke ye fa ye tu yé nwan nun ɔ?

²⁰ Yé anunminnyanmɔn ɔ nun yé fε elie'n kwalaa y'ɔ le εmɔ.

3

¹ Eɬika ati, kemɔ y'a tanlan dede ye ndi man εmɔ angan fíí'n, sian y'a ngwala man nwonnde kún. Ɔ man y'a fa ajɔnlɔn ke Timote hó nían εmɔ abusu, nán yé ngɔnmɔn ye ka Atenɔn εwa.

² Yé nianman Timote nun yé y'ɔ di Nyanmɔn junman nɔn ɔ. Yé nun yí y'ɔ bɔ Zozi anwɔn Ejɔlekpa'n ye kele menian'n-mɔ ɔ. Ye le swan yí εmɔ anwɔn εlɔ ke ɔ wówula εmɔ anwɔnsele, ɔ cíci εmɔ alɔa, ese ɔ bóká εmɔ maan bé dedi'n jínlán yí ja nun kpa.

³ Yí diε, anɔn εmɔ anun bie fíí anwɔn a mmubu man yí wɔ yalé'n mɔ ye le nwun yí kíkkaala nɔn anun. Afi εmɔ muonun sí ke yalé sɔ'n mɔ ye le nwun yí'n wɔ ninngε'n-mɔ mɔ Nyanmɔn sesieli manlɔn yé nɔn anun bie.

⁴ Afi mεle mɔ anɔn ye te wɔ εmɔ anwɔn εlɔ'n, ye lili mɔa ye hanlɔn ye heleli εmɔ ke be le ba hele yé yalé. Mεle sɔ'n yé ɔ'a ju nɔn ɔ, εmɔ muonun sí.

⁵ Eɬika ati, kemɔ m'an tanlan dede mɔ mɔn ndi man εmɔ angan fíí'n, mɔn tanlan an, ɔ ndanlan man. Ɔ man m'an swan Timote εmɔ anwɔn εlɔ, ke ɔ hó nían se εmɔ te le dedi wɔ Zozi nun an. N nili yalé ke bíci Abɔnsanmɔn a a sɔ εmɔ a nian, ɔ'a kaci εmɔ ajɔnlɔn, ɔ'a man yé junman nɔn a yɔ mgban.

Timote amannɛ'n

⁶ Nan kíkkaala diε, Timote fi εmɔ anwɔn εlɔ ɔ'a a. Ɔ'a bɔ εmɔ anwɔn amannɛ fε ɔ'a hele yé. Yí nwan

εμῶ le dedi, εμῶ le ehulo, εσε γί nwan εμῶ ati wᵔ yé sᵔ dahuu, εμῶ alba le dᵔ yé sele kpa, εμῶ kulo ke be nwan yé nwon ke yé kᵔsᵔ yε kulo ke yε nwan εμῶ anwon'n.

⁷ Ehika ati, anianman-mᵔ, yale non efe'n mᵔ yε ti nun'n, εμῶ a man yé lba a cici. O sanlin ke εμῶ dedi nin a wowula yé anwonsele.

⁸ O man kikaala die, yé nwon a sanndi yé, afi εμῶ jin bé ja nun be non yé Mᵔn te nanndi.

⁹ Ye le εμῶ anwon fe elie kpili wᵔ Nyanmian anyunnun, o man ye nnwan man like fii bᵔbᵔ mᵔ yε 'fa yε 'da Nyanmian Kpili asi o.

¹⁰ Kᵔngᵔe non eyua, ye sele yí kpa ke o mán yε nyán atin ye nwún εμῶ anwon biekun, nán yε héhele εμῶ ninngε mᵔ o'a ha wᵔ εμῶ dedi nin anwon'n yε só sᵔ.

¹¹ Yé Si Nyanmian Kpili muonun, o non yé Mᵔn Zozi Kilisi, be sésie yé atin kanlanman maan yε bála nwan εμῶ anwon.

¹² Ehulo'n mᵔ εμῶ kulo bé nwon, mᵔ εμῶ fa kulo menian'n-mᵔ kwalaaatin'n, yé Mᵔn mán o hó yí nyunnun kpa ke ehulo'n mᵔ yε fa yε kulo εμῶ'n.

¹³ Yé Mᵔn wᵔwula εμῶ anwonsele o mán εμῶ ahonlin'n-mᵔ anun tí, nán b'a nnyan εμῶ anwon ejle εte fii b'a ngan man wᵔ Nyanmian m'ᵔ ti Sie nin anyunnun, mele mᵔ yé Mᵔn Zozi non yí anwontie mma'n-mᵔ kwalaa 'ba a'n.

4

Abalabᵔ m'ᵔ sᵔ Nyanmian anyin'n

¹ Ehi, anianman-mᵔ, abalabᵔ mᵔ εμῶ bᵔ a, o sᵔ Nyanmian anyin'n, ye heleli εμῶ. Ye de yε di ke εμῶ bᵔ abalabᵔ sᵔ'n. Nan, sian die, ye le butu yε sele εμῶ

ke yé Mɪn Zozi dunman nun, emɔ bɔ́ bala sɔ'n kpa be hó bé nyunnun be mán ɔ́ tála daba'n.

² Afi emɔ si, amanmuo'n mɔ́ yé Mɪn Zozi heleli yé ke ye bú'n, y'a han yí nwɔn ejɔ́le y'a hele emɔ.

³ Nyɔ́le mɔ́ Nyanmian kulo'n y'ɔ́ le ehi: ɔ́ kulo ke emɔ yɔ́ menian nwannzan-nwannzan, ese emɔ nian bé nwɔn ye kpa wɔ́ satilifɔ́e nyɔ́le'n-mɔ́ anwɔn.

⁴ Emɔ́ anun kɔn biala nwún yí yi já, ɔ́ nɔn yí be tánlan anwɔntie nun, ɔ́ nɔn anyinnzɔ́ nun,

⁵ nán emɔ́ a nnyan man ajɔ́nlin basa basa ke bé mɔ́ be nzi man Nyanmian'n le yí'n.

⁶ Asitanlan sɔ́ nin anun, sɔ́anlan fíí n'ɔ́ bu yí manngɔ́n anyunnun ɔ́ seci yí ajaa, anaan ɔ́ di yí dufule. Ye hanlin ye heleli emɔ́, ese ye kannzɔ́li emɔ́ kpa ke menian mɔ́ be yɔ́ ete sɔ́n, Nyanmian Kpili 'ba tua bé yí nwɔn kale.

⁷ Afi, Nyanmian a nvele man yé ke ye yɔ́ satilifɔ́e nyɔ́le, nan ɔ́'a fele yé ke ye bɔ́ abalabɔ́ m'ɔ́ sɔ́ yí nyin ye mán yé nwɔn tí.

⁸ Ehika ati, sɔ́anlan mɔ́ ɔ́'a nni man ngehele sɔ́ nin asɔ́'n, nán kulo sɔ́anlan yê ɔ́'a mmu man yí like ɔ́, nan Nyanmian Kpili'n mɔ́ ɔ́'a fa yí Wawe Nwannzan-nwannzan'n ɔ́'a man emɔ́'n yê ɔ́'a yi yí ɔ́'a tu ɔ́.

⁹ M'ɔ́ tu de ehulo'n mɔ́ emɔ́ kulo anianman'n-mɔ́ mɔ́ be le dedi'n, ɔ́ njian man ke ye kele emɔ́ yí nwɔn kalata biekun ɔ́. Ɔ́ sanlin ke Nyanmian muonun a hele emɔ́ ke emɔ́ kpín be húlo bé nwɔn'n.

¹⁰ Sakpa, emɔ́ kulo anianman'n-mɔ́ kwalaa mɔ́ be wɔ́ Masedɔ́anin mán nin anun'n. Nan kɔ́sɔ́, anianman-mɔ́, ye 'sele emɔ́ ke emɔ́ nyán ehulo kpili m'ɔ́ tala ehi asɔ́.

11 Emɔ mían bé bu kpa be tánlan wɔ anzɔnunɔ nun, emɔ nían emɔ muonun anwɔn ejɔle be lí, ese emɔ lí junman be kprɔnde mɔ emɔ a mian yí nwɔn'n, ke ye seli emɔ ke emɔ yó'n.

12 Se emɔ yɔ yí sɔ a, menian'n-mɔ mɔ be nzi man Nyanmian'n, bé nyin 'ba sɔ emɔ, ese emɔ ngɔ mian man like fí anwɔn.

Yé Mɔn yí ewale'n

13 Anianman-mɔ, ye kulo ke emɔ nwun bé mɔ b'a wu nun anwɔn ejɔle'n fɔ́n, nán emɔ anwɔn a mmubu man bé ke bé mɔ be nzi man Nyanmian nun anwɔn bubu bé'n, ɔ sanlin ke be le man anyɔndasɔe ke yé.

14 Yé diɛ, ye de ye di ke Zozi a wu, ese ɔ fi ewue nun ɔ'a tinnge. Yí ti, ye de ye di biekun ke Zozi dunman nun, Nyanmian Kpili 'ba man bé mɔ be de yí be di mɔ b'a wu'n ngɔan maan be fi ewue nun be tinnge.

15 Ehi anwɔn, emɔ tie yé Mɔn ngehele ejɔle kɔn mɔ ye le kan ye kele emɔ'n. Ejɔle sɔ'n y'ɔ le ke mele mɔ yé Mɔn 'ba a'n, yé mɔ yé nyin te wɔ sɔ'n, ye ngɔ li man mɔa bé mɔ b'a le Zozi b'a li mɔ b'a wu nun anyunnun.

16 ɔ sanlin ke be 'ba man atɔn, nyanmiansɔ mmɔfɔe mgbain'n-mɔ anun kɔn 'ba tian nun, be 'ba hu Nyanmian kɔnɔti'n, anun yé Mɔn muonun fi anwunno elɔ ɔ le ju ba. Bé mɔ b'a le Kilisi b'a li mɔ b'a wu'n, be fi ewue nun be 'di mɔa be tinnge.

17 Yí nzin, yé mɔ yé nyin te wɔ sɔ tɛmɔn sɔ nun anun'n, yé nɔn bé mɔ be fi ewue nun b'a tinnge'n, be 'ba fɔla yé kwalaa bɔlé nun anun anwunno elɔ, ye 'kɔ a kpa yé Mɔn atɔn. ɔ fi ebele, yé nɔn yé Mɔn ye 'tanlan dahuu.

18 Eɓika ati, emɔ fá ejɔle sɔ'n-mɔ be wówula bé nwɔn anwɔnsele.

5

1 M'ɔ tu de cian anaan meɛe mɔ ninngɛ sɔ'n-mɔ 'te'n, anianman-mɔ, ɔ njian man ke ye keɛe emɔ yí nwɔn kalata.

2 Afi, emɔ muonun si yí fɔ́n ke yé Mɪn yí ewale cian'n 'ba li yé nvu nun ke awofɔe m'ɔ le wua kɔngɔe ɔ.

3 Meɛe mɔ eyuadi nin anun menian'n-mɔ alɔa 'ba fi bé nwɔn, mɔ be 'ba han ke: “Ye le anzɔnɔnɔ, ese ye nzusu man ejɔle fí”, temɔn sɔ'n yê nvu nun mgban, munnzue'n 'ba tu bé ke nwɔnnzefɔe mɔ yí kɔ kɔ han yí. Ɔ man bé nun bie fí ngɔ nnyan man atin nán ɔ'a nwanndi.

4 Nan emɔ diɛ, anianman-mɔ, emɔ ti man awosin nun, nán cian sɔ nin a li emɔ nvu nun ke awofɔe m'ɔ le wua ɔ.

5 Afi, emɔ kwalaa ti kanlannɛ'n nɔn alihian nin anun menian. Nán alisan nɔn awosin nun menian y'ɔ le yé.

6 Eɓika ati, nán be man yé dafi ke menian ehɪnlɪn-mɔ, nan be mán ye sísa, ese ye yó yé ninngɛ'n-mɔ kwalaa kpe kpe.

7 Afi kɔngɔe yê be da be dafi ɔ, ese kɔngɔe yê menian'n-mɔ nɔn nzan dede be bu ɔ.

8 Nan yé diɛ, alihian nin anun menian y'ɔ le yé. Eɓika ati, be mán ye yó yé ninngɛ'n-mɔ kwalaa kpe kpe kpe. Ke sɔanlan m'ɔ le kɔ elɔɛ'n wula bulale taladiɛ'n ɔ sisa yí hue'n, yé kɔsɔ ye nyán dedi ɔ nɔn ehulo. Ke sɔanlan mɔ le kɔ elɔɛ'n sɔ bulale kele'n ɔ sisa yí ti'n, yé kɔsɔ ye nyán anyɪndasɔe ke Zozi a le yé ti.

⁹ Ɔ sanlɛn ke Nyanmɛian a nvele man yɛ yɛ nwon ke ye wú sɩkpe ewue, nan ɔ nanndɛ yɛ Mun Zozi Kilisi asu, ɔ'a fele yɛ yɛ nwon ke y'a a nyan nguan.

¹⁰ Afi, yɛ ti yɛ Zozi wuli ɔ. Ɔ man se yɛ nyɛn wɔ su, anaan se ye wu a, ye 'nyan nguan ye non yɛ tanlan dahuu mele mɔ ɔ 'ba sa ba'n.

¹¹ Ehiƙa ati, emɔ cíci bé nwon alɔ, ese emɔ wówula bé nwon anwɔnsele ke emɔ a bɔ yɛ bu be le yɔ'n.

Aftu

¹² Anianman-mɔ, ye le sele emɔ ke emɔ mán bé nyɛn só menian mɔ be di yɛ Mun junman wɔ emɔ afian elɔ, mɔ yɛ Mun dunman nun, be li emɔ ati, ese be kannzu emɔ'n.

¹³ Bé junman'n mɔ be di nun ati, emɔ fɔa bé kpa, ese be húlo bé kpa. Emɔ afian elɔ, emɔ tánlan wɔ anzɔnunjo nun.

¹⁴ Anianman-mɔ, ye 'sele emɔ ke, emɔ kánnzu efɔanfɔe'n-mɔ. Bé mɔ be nwon a bubu bé'n-mɔ, emɔ wówula bé anwɔnsele, emɔ búka bé mɔ be le man anwɔnsele'n, be sí abɔtale wɔ menian'n-mɔ kwalaa anwɔn.

¹⁵ Emɔ nían bé nwon kpa, nán swanlan fíí a nva man ete a ndua man ete'n kale. Mele biala anun, emɔ afian, ɔ non menian nga'n-mɔ kwalaa afian, emɔ bó abalabɔ kpa.

¹⁶ Emɔ lí ndutue cɛan daa.

¹⁷ Emɔ yɔ asɔnɛn temɔn biala.

¹⁸ Emɔ lá Nyanmɛian asɩ like biala anun. Emɔ mɔ be non Kilisi Zozi a yɔ kɔn'n, like mɔ Nyanmɛian le kɔnnɛde yɛ emɔ elɔ nun anɛn.

¹⁹ Emɔ nán be tan Wawe Nwanzan-nwanzan nɛn anyɛnsu, nán ɔ fi emɔ anun ɔ'a ndu man.

²⁰ Εἰδὲ μὲ Νϋανμῖαν Wawε'n κὼ φα κὼ wula sʋanlan anʋan m'ɔ κὼ han'n, nán man εμὲ bu yí εἰδὲ mgban-mgban.

²¹ Nan kʋsʋ, εμὲ nένῖαν yí kʋalaa anun, βε fá m'ɔ tɪ kpa'n βε síe.

²² Like biala m'ɔ man βε τὼ ετε nun'n, nán βε γὼ.

²³ Νϋανμῖαν Kpili m'ɔ tɪ albacɪcɪe baka'n, ɔ fá εμὲ γὼ yí dɪe kpa bɔkɔɔ. Ɔ nían εμὲ sʋanlan baka nɪn asʋ, εμὲ ajɔnɪn nɪn asʋ, ɔ nʋn εμὲ ekala nɪn asʋ. N'ɔ man efian fíí kan εμὲ dede ɔ jú yé Mɪn Zozi Kilisi ewale cɪan.

²⁴ Νϋανμῖαν Kpili μὲ ɔ'a fελε εμὲ yí nʋʋn'n tɪ ananhɔlefʋe, ɔ 'γὼ yí sɔ man εμὲ.

²⁵ Anianman-mɔ, εμὲ sέλε Νϋανμῖαν βε mán yé kʋsʋ.

²⁶ Yε 'γὼ anianman'n-mɔ μὲ βε wɔ ελɔ'n kʋalaa like, εμὲ τὼ βέ nun βέ man yé.

²⁷ Mɪn 'σελε εμὲ kpa wɔ yé Mɪn dunman nun κε εμὲ kíngga kalata ehi βε héle anianman'n-mɔ kʋalaatin.

²⁸ Yέ Mɪn Zozi Kilisi nwún εμὲ anʋʋn anwun-nʋoe.

Anyin

Anyin: Nyɔhyɛ Fɔfɔlɛ'n New Testament

copyright © 1997 Wycliffe Bible Translators, Inc.

Language: Agni Sanvi

Contributor: Wycliffe Bible Translators, Inc.

All rights reserved.

2025-04-26

PDF generated using Haiola and XeLaTeX on 25 Apr 2025 from source files
dated 26 Apr 2025

b4bf56fc-6e3d-5a7c-9f55-25d2c3645a88